

II - ARABAKO LURRALDE HISTORIKOAREN TOKI ADMINISTRAZIOA

VITORIA-GASTEIZKO UDALA

KULTURA ETA HEZKUNTZA SAILA

Hezkuntza

Eskola-ingurunean antolatutako hezkuntza-jarduerak garatzeko dirulaguntzetarako deialdia eta deialdiaren oinarriak, 2026-2027 ikasturtea

Tokiko Gobernu Batzarrak 2026ko uztailaren 24an eginiko ohiko bileran, onetsi egin dira eskola-ingurunean antolatutako hezkuntza-jarduerak garatzeko dirulaguntzetarako deialdia eta deialdiaren oinarriak, 2026-2027 ikasturtea.

Urriaren 1eko 39/2015 legearen 45.1 artikuluan xedatutakoarekin bat etorritz, oinarri horiek argitaratzen dira guztiek jakin dezaten.

1. Erregulazioa

Deialdi honetako dirulaguntzak, bertan aurreikusitakoaz gain, honako hauek arautuko dituzte: Dirulaguntzei buruzko azaroaren 17ko 38/2003 Lege Orokorrak, Dirulaguntzei buruzko 38/2003 Lege Orokorraren Erreglamenduak (uztailaren 21eko 887/2006 Errege Dekretua) eta Vitoria-Gasteizko Udalaren dirulaguntzei buruzko ordenantza orokorrak (aurrerantzean, dirulaguntzei buruzko ordenantza orokorra). Ordenantza hori 2023ko apirilaren 21eko Osoko Bilkuran onartu zen, eta uztailaren 28an argitaratu zen ALHAOean, Vitoria-Gasteizko Udalak ematen dituen dirulaguntzak emateko prozedura arautzeko oinarri orokorrak ezartzeko.

Deialdi honetara aurkeztu nahi duten entitateek dirulaguntzen ordenantza orokorrera jo behar dute, ezagutzeko entitateek bete behar dituzten baldintzak eta betebeharrak, dirulaguntzak justifikatzeko modua, e.a.

2. Hitzaurrea

Vitoria-Gasteiz Hiri Hezitzailea da, eta horrek berekin dakar bertan bizi diren pertsona guztien prestakuntzarekin, sustapenarekin eta garapenarekin konpromisoa hartzea. Ikuspegi horretatik, jardunbide inklusiboen bidez, bere egiten du aniztasunari erantzun beharra, jardunbide inklusibo horiek pertsona guztiek, aukera-berdintasunez, ekitatez eta bidezkoa denez, kalitatezko hezkuntza eskura izatea bermatu behar dutela ulertuta; praktika inklusibo horiek mehatxatuen dauden kolektiboetan jartzen dute arreta, hau da, desorekak eragin ditzaketen egoera gehien pairatzen dituzten kolektiboetan. Dirulaguntzen deialdi hau testuinguru horretan planteatzen da, hain zuzen.

3. Dirulaguntzen plan estrategikoa

Dirulaguntzen deialdi hau 2025eko urtarrilaren 17an Tokiko Gobernu Batzarrak onartutako dirulaguntzen plan estrategikoan (2025-2027) jasota dago.

Dirulaguntzen deialdiaren xedea da eskola-ingurunean antolatutako hezkuntza-jarduerak egiten laguntzea eta erakunde hartzaileen esku-hartzea sustatzea hezkuntza-komunitatean, ikasleen prestakuntza integralaren eta eskola-arrakastaren faktore nabarmena direlako.

4. Erakunde onuradunak

Deialdi honetan parte hartu dezakete eta laguntzen onuradun izan daitezke honako erakunde hauek:

- Ikasleen Gurasoen Elkartek, Haur Hezkuntzako bigarren zikloko eta Derrigorrezko Hezkuntzako Vitoria-Gasteizko ikastetxeak.

- Haur Hezkuntzako bigarren zikloko eta Derrigorrezko Hezkuntzako mailak dituzten Vitoria-Gasteizko ikastetxeetako irakaskuntza-kooperatibak, baldin eta guraso-elkarterik ez badute eta horien berezko funtzioak beren gain hartzen badituzte.

- Vitoria-Gasteizko Helduen Hezkuntzako (HHI) ikastetxe publikoetako ikasleen elkartek.

Gurasoen Elkarte eta irakaskuntza-kooperatiba horiek kide diren federazioak ordezkatu ahal izango ditu, baldin eta ordezkaritza bi alderdiek sinatuta ematen bada.

5. Baliabide ekonomikoak

Gehienez ere 271.200,00 euroko kreditua zuzendu du deialdi honetara Kultura eta Hezkuntza Sailak (Hezkuntza Zerbitzua), 2026-2027 ikasturteari begira. Honela banatzen da zenbateko hori:

- 151.200,00 euroko kreditua gehienez 2026rako udal-aurrekontuan Kultura eta Hezkuntza Sailari dagokion 2319 03 3261 48010 aurrekontu-sailaren kargura.

- 120.000,00 euroko kreditua gehienez, 2027rako udal-aurrekontuan kargura, betiere kreditu egokia eta aski badago.

6. Diruz lagundu daitezkeen jarduerak eta gastuak

Diruz lagunduko diren hezkuntza-jarduerak eremu osagarriaren, eskolaz kanpoko eremuaren eta opor-eremuaren barruan kokatuko dira, eta ikasleei eta/edo haien familiei zuzenduta egongo dira.

- Ikasleentzako eskolaz kanpoko jarduerak.

- Ikasleentzako jarduerak eskolako oporraldietan.

- Ikasleentzako jarduera osagarriak eskola-ordutegian, edo eskola-egutegian (txangoak, barnetegiak, bisita kulturalak...).

- Hezkuntza-komunitatea inplikatzan duten jarduerak edota ospakizunak.

- Familia edo ikasleentzako formazio-jarduerak (hitzaldiak, tailerrak, ikastaroak...).

Diruz lagunduko diren jarduera guztiak jasota egon behar dira ikasturteko urteko planean, eta ikastetxearen hezkuntza proiektuarekin bat egin beharko dute. Horregatik, hezkuntza-sistemaren helburuekin artikulatu beharko dira, eta honako alderdi hauek landu beharko dituzte: bizikidetza positiboa, hezkidetza, osasun mentala, euskararen erabileraren sustapena, hezkuntza-komunitateko kide guztien inklusioa eta parte-hartzea, edo ingurumenaren jasangarritasuna.

Diruz lagunduko dira deialdi honen xede diren erakundeek 2026ko irailaren 1etik 2027ko uztailaren 31ra eskola-eremuan antolatutako hezkuntza-jarduerak.

6.1. Diruz lagundu ahal izango dira aipatutako jarduerak antolatzeke eta garatzeko sortu daitezkeen gastuak.

Kudeaketa-gastuak, begiraleak eta jarduerak garatzeko beharrezko materiala ordaindu ahal izango dira, hezkuntza-premia bereziak dituzten ikasleen parte-hartzea ahalbidetzeko neurrien gastuak barne. Ikasleentzako jarduera osagarrietako sarrerak, edota garraioaren gastuak ere ordaindu ahal izango dira, baita hezkuntza-komunitatearen ospakizunetako jardueren, edo materialen gastuak ere.

Diruz lagundutako jarduerekin lotuta dauden elikagaien gastuak (txokolatadak, gosari osasungarriak edo horrelakoak), ezin izango dira emandako zenbatekoaren ehuneko 20 baino handiagoak izan.

6.2. Deialdi honetatik kanpo geratzen dira honako gastu hauek:

- Instalazioen eta azpiegituren ekipamendua, funtzionamendua, eta mantentze-lanak.
- Lehiaketetarako opariak eta ikasleentzako ikasturte amaierako opariak.
- Unibertsitatez kanpoko ikasleen gurasoen elkarleen federazioen kuotak.

Gizarte Etxeetako espazioen doakotasuna arautzen duen 2025eko 7.11 udal ordenantza fiskalaren 4 bis artikuluko 1. paragrafoarekin bat etorritik, deialdi honen onuradun diren elkarteek ikastetxeetan haien jarduera garatzeko espazio egokirik ez balute, doako espazioak eskatu ahal izango lituzkete gizarte etxeetan, baldin eta espaziorik badago eta deialdi honek diruz lagundutako proiektuan jasotako jarduerak garatzeko bada.

7. Eskabideak eta dokumentazioa aurkezteko epea eta tokia

7.1. Aurkezteko epea: eskabideak eta dokumentazioa aurkezteko epea oinarri hauen deialdiari dagokion laburpena ALHAOn argitaratzen den egunaren biharamunean irekiko da, eta 2026ko irailaren 30era arte egongo da irekita (egun hori barne). Eskabideak epez kanpo aurkeztea dirulaguntzak emateko prozeduratik kanporatzeko arrazoi izango da.

7.2. Eskabideak eta dokumentazioa aurkezteko lekua: eskabideak herritarrentzako arreta-bulegoetan aurkeztu daitezke, Vitoria-Gasteizko Udalaren egoitza elektronikoaren bidez, bai eta legez aurreikusitako gainerako moduetan ere, urriaren 1eko 39/2015 Legeak, Administrazio Publikoen Administrazio Prozedura Erkidearenak, xedatutakoaren arabera.

8. Aurkeztu beharreko dokumentuak

Hau da aurkeztu beharreko dokumentazioa:

– Vitoria-Gasteizko Udalaren dirulaguntza eta laguntza ekonomikoa eskatzeko inprimakia (SSUN_001 eranskina, udalaren web orrian eskuragarri), elkarteko lehendakariak sinatuta.

– 1. Eranskina – Erantzukizunpeko adierazpena (SAED_001 eranskina, udalaren web orrian eskuragarri), beste sail edo udal zerbitzu batzuen deialdietan proiektu bererako eskaerarik aurkeztu ez izanari buruzkoa.

– 2. Eranskina – Aurreikusitako hezkuntza-jardueren zerrenda (SAED_002 eranskina, udalaren web orrian eskuragarri), ikastetxeko zuzendariak sinatuta. Ikastetxearen Eskola Kontseiluak onartu beharko du jarduera-proposamena, eta 2026-2027 ikasturteko urteko planean egongo da jasota.

– 2B Eranskina – Espezifikoa- Aurreikusitako hezkuntza-jardueren zerrenda (SAED_002B eranskina, udalaren web orrian eskuragarri), ikastetxeko zuzendariak sinatuta. Eranskin hau berariazkoa da “Hezkuntza-egoera zailenak artatzen dituzten ikastetxeetan eskolaz kanpoko jarduerak sustatzea” atala eskatu nahi duten ikastetxe publikoentzat, eta haientzat baino ez. Eskola Kontseiluak onartu beharko du jardueren proposamena, eta 2026-2027 ikasturteko urteko planean jasota egon beharko da. Dokumentuan, zuzendaritzak ziurtatzen du ikastetxea ados dagoela ataleko baldintza espezifikoekin eta jarduerak lankidetzan garatzearekin.

– Aukerakoa: ordezkaritza emateko dokumentua (SAED_003 eranskina, udalaren web orrian eskuragarri), baldin eta IGEaren edo irakaskuntza-kooperatibaren eskaera eta dokumentazioa kide den federazioak aurkezten badu.

Hezkuntza Zerbitzuan dirulaguntzaren eskaera lehenengo aldiz aurkezten denean edo datuak aldatzen direnean, honako agiri hauek ere aurkeztu beharko dira:

– Eskabidea sinatzen duenaren ordezkaritza egiaztapena eta erakunde eskatzailearen legezko ordezkari den pertsona fisikoaren Nortasun Agiri Nazionalaren (NAN) edota Atzerriarren Identifikazio Zenbakiaren (AIZ) fotokopia.

– Erakunde eskatzailea Euskal Autonomia Erkidegoko Elkarleen Erregistro Orokorrean edo Euskadiko Kooperatiben Erregistroan legez eratuta dagoela egiaztatzen duen agiria.

- Erakunde eskatzailearen estatutuen fotokopia.
- Identifikazio fiskaleko txartelaren fotokopia.
- Banku-erakundeak emandako ziurtagiri eguneratua; agiri horretan, kontu-zenbakia eta kontuaren titularra agertuko dira, kontuan hartuta, betiere, erakunde eskatzaileak izan behar duela titularra.

Eskabideak deialdi honetan ezarritako baldintzak betetzen ez baditu, organo eskudunak interes-dunari hamar eguneko epean zuzentzeko eskatuko dio, eta adieraziko dio hala egiten ez badu eskabidean atzera egin duela ulertuko dela, Administrazio Publikoen Administrazio Prozedura Erkidearen urriaren 1eko 39/2015 Legearen 68. artikuluan aurreikusitako baldintzetan eman beharreko ebazpenaren ondoren.

9. Beste dirulaguntza batzuekiko bateragarritasuna

Elkarte onuradunek ezin izango dute proiektu bera aurkeztu udaleko beste sail edo zerbitzu batzuen dirulaguntzetarako deialdietara.

Deialdi honen barneko dirulaguntza hau bateragarria izango da beste administrazio edo erakunde publiko nahiz pribatu batzuek emandako dirulaguntzekin. Nolanahi ere, dirulaguntzen bidez eta beste diru-iturri batzuetatik lortzen den finantzaketaren zenbatekoak ezin du gainditu, inoiz ere, diruz lagundutako jardueraren kostu osoa.

10. Dirulaguntza emateko prozedura

Hainbanaketa-erregimenean emango dira dirulaguntzak, deialdi honen 11. oinarrian ezarritako irizpideen arabera.

Eskabideak jaso, baldintzak egiaztatu eta eskabide horiek izapidetzeko onartu ondoren, balioespen-txosten tekniko eta ebazpen-proposamena egingo dira, oinarri hauetan zehaztutako irizpideen arabera.

Xede horretarako, kide anitzeko organo bat eratuko da, eskabideak balioesteko eta dirulaguntzak emateko proposamena egiteko eskumena izango duena. Hezkuntza Zerbitzuko buruak, Hezkuntza Zerbitzuko Hezkuntza Ekintzen ataleko arduradunak eta atal horretako teknikari batek osatuko dute organo hori.

Halaber, Hezkuntza Zerbitzuak egingo ditu, ofizioz, beharrezkotzat jotzen diren jarduketa guztiak, dirulaguntzak emateko ebazpen-proposamenerako kontuan hartuko diren datuak zehazteko, ezagutzeko eta egiaztatzeko.

Aipatutako organoak eskumenak izango ditu dirulaguntzak emateari buruzko edozein zalantza argitzeko. Eskabide guztien balorazioa jaso eta gero, txosten tekniko bat egingo du, eta deialdi honen ebazpen-proposamena Kultura eta Hezkuntza Saileko zinegotzi ordezkariari igorriko dio, geroago ebatz dezan, zeinak Tokiko Gobernu Batzarraren 2025eko maiatzaren 16ko erabakiaren arabera, deialdi hau ebazteko eskumen baitu, bai eta erabaki horren lehen apartatuko gaiterazo funtzioak ere.

11. Dirulaguntzen zenbatekoa zehazteko irizpideak

Dirulaguntza bakoitzaren zenbatekoa atal honetan aurreikusitako banaketa-sistema aplikatuz zehaztuko da, eta ezingo du gainditu, inola ere, erakunde onuradunak jasandako gastu errearen ehuneko 100.

Hauxe izango da banaketa-sistema:

1. Atal orokorra: erakunde onuradun guztientzako 200.000,00 euroko dirulaguntza, 2026-2027 deialdian.

a) Deialdiko atal orokorreko kredituaren ehuneko 25 onartutako eskabide guztien artean banatuko da, zati berdinetan.

b) Deialdiko atal orokorreko kredituaren ehuneko 55 onartutako eskabideen artean banatuko da, ondorengo atal hauetako bakoitzean erakunde eskatzaile bakoitzak lortu duen puntuazio osoaren arabera:

Ikastetxean matrikulatutako ikasleei dagokien puntuazioa. Erakunde eskatzaileari Haur Hezkuntzako bigarren zikloan eta Derrigorrezko Hezkuntzako edo, hala badagokio, HHIko ikastetxe publikoan matrikulatutako ikasleen kopurua adina puntu emango zaizkio, dirulaguntza eskatzeko epea amaitzen den unean Eusko Jaurlaritzako Hezkuntza Sailak emandako azken estatistika-dokumentazio ofizialaren arabera.

Haur Hezkuntzako bigarren zikloan eta Derrigorrezko Hezkuntzako edo, hala badagokio, HHIko ikastetxe publikoan matrikulatutako ikastetxeko ikasle bekadunen kopurua bider 3 eginda ateratzen den puntuazioa. Eusko Jaurlaritzako Hezkuntza Sailaren mendeko ikastetxe publikoetako elkarteek kasuan, puntuazio hori bider 2 egingo da, eta ikastetxeak eraldatzen programan parte hartzen badu, berriz ere bider 2 egingo da.

Bekadun ikasletzat hartuko da Eusko Jaurlaritzako Hezkuntza Sailaren beka jaso duen ikaslea, unibertsitateaz kanpoko ikasleak eskolatzeko ikasketa-beka eta -laguntzetarako deialdia egiten duen Hezkuntzako sailburuaren Aginduen arabera. Eusko Jaurlaritzako Hezkuntza Sailak dirulaguntza eskatzeko epea amaitzen denean emandako azken estatistika-dokumentazio ofiziala hartuko da kontuan.

Atal honetan, erakunde eskatzaile bakoitzari esleitutako puntuazioa faktore konstante batez biderkatuko da. Faktore hori honela aterako da: banaketaren xede den zenbateko osoa zati erakundeei emandako puntuen batura osoa.

c) Deialdiko atal orokorreko kredituaren ehuneko 20 hezkuntza-premia bereziak dituzten ikasleen kopuruaren arabera banatuko da. Erakunde eskatzaile bakoitzari erreferentziako ikastetxean Haur Hezkuntzako eta Derrigorrezko Hezkuntzako bigarren zikloan matrikulatutako ikasle kopurua adina puntu emango zaizkio, Eusko Jaurlaritzako Hezkuntza Sailak emandako datuetan oinarrituta. Puntuazio hori faktore konstante batekin biderkatuko da, faktore hori honela lortuko da: banatu beharreko kopuru osoa zati erakunde guztiei emandako puntuazioaren batura osoa.

2. Atal espezifikoak: hezkuntza-egoera konplexuenak artatzen dituzten ikastetxeetan eskolaz kanpoko jarduerak diruz laguntzeko eta sustatzeko, 71.200,00 euroko dirulaguntza, 2026-2027 deialdian.

Atal honen helburu espezifikoak da eskolaz kanpoko euskarazko jardueretan zaurgarritasun handiko egoeran dauden ikasleen parte-hartzea bultzatzea, horrela haien garapen pertsonalean, eskola-arrakastan eta inklusioan eragin positiboa izan dezaten.

Atal honetako zenbatekoa zati berdinetan banatuko da zaurgarritasun handieneko egoeran dauden ikasleak eta familiak artatzen dituen ikastetxe bateko kide izatearen baldintza betetzen duten erakunde eskatzaileen artean. Baldintza hori ziurtatzeko, ikastetxeko zuzendaritzak 2B eranskin espezifikoak (SAED_002b) sinatu beharko du. Hezkuntza Zerbitzuak dituen datuak berrikusteko edota Hezkuntza

Administratiboarekin kontsulta egiteko aukera izango du.

Salbuespen gisa, zentro horietako erakunde onuradunek 2026ko ekainaren 22tik aurrera sortutako gastuak ere sartu ahal izango dituzte justifikazioan.

Jarduerak doan eskaini ahal izango zaizkie erakunde onuraduneko kide diren ikasleei.

Ikastetxeko zuzendaritzak eta klustroak jarduerak antolatzen eta hedatzen lagunduko dute, eta beste eragile eta udaleko laguntza batzuekiko koordinazioa erraztuko dute (hala nola, udalaren eta Denon Eskolaren arteko lankidetzak-hitzarmenaren bidez eskaini ahal direnak).

Dirulaguntzen deialdi honetarako dagoen kredituaren banaketa honela egingo da:

— Erakunde onuradun bakoitzari emango zaion atal orokorreko dirulaguntzaren zenbateko osoa a), b) eta c) atalak batuta zehaztuko da. Gehieneko zenbatekoa 7.500,00 eurokoa izango da. Gehieneko zenbatekoaren irizpidea aplikatu ondoren, ateratzen den kopurua diruz lagundu beharreko gehieneko zenbatekoa lortu ez duten erakunde eskatzaileen artean banatuko da. Horretarako, b) atalean ezarritako irizpideei jarraituko zaie. Aurreko irizpidea aplikatu ondoren, ezarritako gehieneko kopurua gainditzen bada, irizpide hori eta dagokion kalkulu-prozesua behar beste aldiz errepikatuko dira.

— Erakunde onuradunei eman beharreko dirulaguntzaren zenbateko osoa zehazteko, atal orokorra eta, hala badagokio, espezifikoa batuko dira. Biak batuta, gehieneko zenbatekoa 12.500,00 eurokoa izango da. Gehieneko zenbateko osoaren irizpidea aplikatu ondoren, ateratzen den zenbatekoa zati berdinetan banatuko da atal espezifikoko erakunde eskatzaileen artean, gehieneko zenbateko lortu ez badute. Irizpide hori eta dagokion kalkulu-prozesua behar adina aldiz errepikatuko lirateke.

12. Ebazteko eta jakinarazteko epea

12.1. Deialdiaren ebazpena gehienez hiru hilabeteko epean emango da, eskabideak aurkezteko epea amaitzen den egunetik zenbatzen hasita. Epe horretan berariazko ebazpenik eman ez bada, dirulaguntzaren eskaera ezetsi egin dela ulertuko da.

12.2. Dirulaguntzak emateko edo ukatzeko ebazpenaren jakinarazpenak ALHAOean eta Vitoria-Gasteizko Udaleko iragarki-oholean egingo dira, Datu Pertsonalak Babesteari eta Eskubide Digitalak Babesteari buruzko abenduaren 5eko 3/2018 Legearen irizpideei jarraikiz.

12.3. Dirulaguntzak emateko edo ukatzeko ebazpenak amaiera emango dio administrazio-bideari, eta, haren aurka, administrazioarekiko auzi-errekurtsoa jarri ahal izango da zuzenean Vitoria-Gasteizko Administrazioarekiko Auzietarako Epaitegietan, bi hilabeteko epean, ebazpena jakinarazi edo argitaratu eta hurrengo egunetik aurrera.

Hala ere, aldez aurretik, aukerako berraztertze errekurtsoa aurkeztu ahal izango zaio egintza eman duen organoari, hilabeteko epean, jakinarazi edo argitaratu eta hurrengo egunetik zenbatzen hasita. Kasu horretan, ezin izango da administrazioarekiko auzi-errekurtsoa jarri, egintza berariaz edo ustez ebatzi arte. Ondoren, berariazko ebazpena ematen bada, administrazioarekiko auzi-errekurtsoa jartzeko epea bi hilabetekoa izango da, egintza jakinarazi edo argitaratu eta hurrengo egunetik zenbatzen hasita; bestela, edozein unetan jarri ahal izango da, berariazko araudiaren arabera administrazio-isiltasunaren ondorioak gertatu eta hurrengo egunetik zenbatzen hasita. Hala ere, interesdunek egokitzen jotzen duten beste edozein gauza dezakete, Administrazio Publi-koen Administrazio Prozedura Erkidearen urriaren 1eko 39/2015 Legearen 40.2 artikuluan aurreikusitakoaren arabera.

13. Ebazpenaren aldaketa

Dirulaguntzei buruzko azaroaren 17ko 38/2003 Lege Orokorraren erregelamendua onartzen duen uztailaren 21eko 887/2006 Errege Dekretuaren 64. artikuluen arabera, laguntza emateko ebazpena eman ondoren, onuradunak haren edukia aldatzeko eskatu ahal izango du, oinarri arautzaileetan horretarako aurreikusitako inguruabarrak gertatzen badira, legearen 17.3 l) artikuluan ezarritakoaren arabera, eta hori baimendu ahal izango da, baldin eta hirugarrenen eskubideak kaltetzen ez baditu.

14. Dirulaguntzen ordainketa eta justifikatzeko modua

14.1. Dirulaguntzaren ordainketa: udalak dirulaguntzaren zenbatekoa bi ordainketa aurre-ratutan ordainduko du.

— Lehenengoa, 2026ko aurrekontuaren kargura.

— Bigarrena, 2027ko aurrekontuaren kargura. Bigarren ordainketa hori 2027rako udal-aurrekontuan xede horretarako kreditu egokia eta nahikoa egotearen mende egongo da.

Dirulaguntza ez da ordainduko erakunde onuradunak udal honek emandako beste dirulaguntzaren bat justifikatzeko badu, edo aurreko dirulaguntzaren bat itzuli ez badu, hala eskatu bazaio.

Erakunde onuradunek Hezkuntzako Udal Zerbitzuak egin beharreko kontrol- eta egiaztapen-jarduerak bete beharko dituzte, bai eta Vitoria-Gasteizko Udaleko Kontu Hartzailatza Nagusiari dagozkion finantza-kontrollekoak eta Herri-Kontuen Euskal Epaitegiari buruz otsailaren 5eko 1/1998 Legean edo eskumen hori esleitua duten beste organo batzuetan aurreikusitakoak ere.

Nolanahi ere, Hezkuntza Zerbitzuak, justifikazioa egiaztatzeko fasean, erakunde onuradunak aurkeztutako aurrekontuaren zenbatekoa azkenean gauzatutako eta justifikatutako zenbatekoarekin bat datorrela egiaztatuko du. Azkenean gauzatutako zenbatekoa txikiagoa bada, hasieran emandako dirulaguntzaren zenbatekoa murriztu egingo da. Dena den, behar ez bezala justifikatutako zenbatekoak (osorik edo zati batean) eta dagozkien berandutze-interesak itzuli egin beharko dituzte, Dirulaguntzei buruzko azaroaren 17ko 38/2003 Lege Orokorren 37.1 b) eta c) artikuluetan ezarritako kasuetan.

14.2. Dirulaguntzaren justifikazioa: 2026-2027 ikasturterako emandako dirulaguntzaren justifikazioa bi fasetan egingo da:

1. Fasea. Justifikazio orokorra: fase honen epea 2027ko irailaren 20an amaituko da. Fase honetan ez da fakturarik aurkeztuko, ez eta horien ordainketa egiaztatzen duen beste agiririk ere. Ondorengo hauek soilik aurkeztuko dira:

- Garatutako hezkuntza-jarduerei buruzko memoria (SAED_004 eranskina, udalaren web orrian eskuragarri).
- Justifikazio-kontu sinplifikatua. (CUJS_001 eranskina, udalaren web orrian eskuragarri).
- Publizitate-euskarrien zerrenda eta laginak (liburuxkak, iragarkiak, etab.). Horietan, Vitoria-Gasteizko Udalaren logotipoa agertuko da, erakunde laguntzaile gisa.

2. Fasea. Hala eskatzen zaien erakunde onuradunek eman beharreko agiriak.

2027ko irailaren 20aren ondorengo lehen astean hautatuko dira Hezkuntza Zerbitzuak egiaztatutako dituen erakunde onuradunak. Egiaztapen horrek izapidetzen diren espedienteen ehuneko 30i eragingo dio gutxienez, eta horien zenbatekoak dirulaguntzen deialdi honetara bideratutako aurrekontu-kredituaren zenbatekoaren ehuneko 30 adierazi behar du gutxienez.

Erakunde onuradunak hautatzeko, lehenik eta behin, ordezkatzeko dituzten ikastetxeen izen ofizialen zerrenda egiten da, hurrenkera alfabetikoa, eta, ondoren, ausaz beherantz biribilduz abiatutako laginketa sistematikoko prozedura baten bidez, egiaztapena aplikatuko zaien erakundeak zehazten dira. Hurrenkera alfabetikoa "R" hizkiarekin hasiko da, Eusko Jaurlaritzako Hezkuntza Sailak 2026-2027 ikasturtean ordezkapenak kudeatzeko prozesuan baita urtean zehar deitzen den edozein hautatze-prozesutan ere zozketa bidez ezarri duten letra (ebazpena 2025eko azaroaren 5ean argitaratu zen EHAren 213. zenbakian).

Laginketa sistematikoaren prozedura metodo bat da, eta metodo horren bidez, laginketa-tarte bat lortzeko, espediente-kopurua -dirulaguntza eman zaien erakundearen kopurua- laginkopuruaz -izapidetutako espedienteen ehuneko 30- zatitzen da. Ondoren, ausaz aukeratzen da laginaren lehen elementua, eta, gero, laginketa-tartetik eta laginaren lehen elementutik abiatuta, lagina osatuko duten gainerako erakundeak hautatzen dira). Adibidez: erakunde onuradunen kopurua 27 bada eta egiaztatutako erakundearen gutxienezko ehuneko 30 bada (9 erakunde), laginketa-tartea, hau da, aurreko bi zenbakien arteko zatidura, 3 da. Ondoren, ausaz, 1etik 3ra bitarteko zenbaki bat aukeratzen da. Aukeratutako zenbakia, adibidez, 2 bada, egiaztatu beharreko erakundearen lagina 2, 5, 8, 11, 14, 17, 20, 23 eta 26 espedienteek osatuko dute. Espediente horien zenbatekoa aurrekontu-kredituaren zenbatekoaren ehuneko 30 baino txikiagoa bada, beste zenbaki bat aukeratuko da ausaz, eta modu berean jokatu da.

Hautatutako erakunde onuradunei, hamar egun balioduneko epean, emandako dirulaguntza-ren zenbatekoa egiaztatzeko eskatuko zaie, jatorrizko fakturak eta horien ordainketa egiaztatzen duten gainerako egiaztariak aurkeztuz. Hori guztia erakunde onuradunaren izenean egin behar da, diruz lagundu daitezkeen gastuei egokitu behar zaie, eta emandako dirulaguntza-ren zenbatekoa justifikatu behar da.

Diruz lagundutako jardueretako langileen eta Gizarte Segurantzaren gastuak justifikatzeko, nominak RNT (langileen zerrenda nominala) eta RLC (kotizazioen likidazio-zerrenda) atxikiko zaizkio elkarteari edo onuradunari, dagozkion ordainketa-justifikazioekin batera. Era berean, PFEZ atxikipenen 110 hiruhileko ereduak eta/edo urteko 190 ereduak aurkeztuko dira, dagozkien ordainketa-egiaztariekin batera.

Garatutako jarduerak beste bide batetik egiaztatu ezin direnean soilik onartuko dira hartze-agiriak. Nolanahi ere, hartze-agiria sinatzen duen pertsonak ez du enpresaburua edo profesionala izan behar; izan ere, hala balitz, dagokion faktura egin eta entregatu beharko luke. Hartze-agiriak honako datu hauek izan behar ditu:

- Jaulkitzailearen eta erakunde hartzailearen izena eta abizenak, Identifikazio Fiskaleko Zenbakia (IFZ) eta helbidea.

- Eragiketaren edo zerbitzuaren deskribapen zehatza, eta prezioa, guztira.

- Pertsona fisikoen errentaren gaineko zergari dagokion atxikipena (PFEZ). Ogasunari dagokion atxikipenaren ordainagiria ere erantsiko da.

- Tokia, data eta pertsona edo erakunde hartzailearen sinadura.

Ezarritako justifikazio-epea igaro eta behar den dokumentazioa aurkeztu ez bada, bai 1. fasean, bai 2. fasean, Hezkuntza Zerbitzuak onuradunari eskatuko dio hamabost egun balioduneko epe luzaezinean aurkezteko. Justifikazioa aurrez ezarritako epean aurkeztzen ez bada, itzulketa eskatuko da eta, hala badagokio, dagokion zehapen-espedientea hasiko da. Justifikazioa epe horretan aurkezteak ez du onuraduna salbuesten izan ditzakeen zehapenetatik.

15. Erakunde onuradunen betebeharrak

Deialdi honetan araututako dirulaguntzen onuradun diren erakundeek honako betebeharrak hauek dituzte:

- Diruz lagundutako jarduerak eragin ditzakeen arriskuen ardura hartzea eta, hala badagokio, aseguru egokia hitzartzea.

- Diruz lagundutako proiektuak irisgarriak diren lokal edo espazioetan egingo dira, Irisgarritasuna Sustatzeari buruzko abenduaren 4ko 20/1997 Legeak xedatzen duenarekin bat etorruta (EHAA, 1997ko abenduaren 24koa); eta, horrez gain, apirilaren 11ko 68/2000 Dekretuak, hiri-inguruen, espazio publikoen, eraikinen eta informazio eta komunikazioko sistemen irisgarritasun-baldintzen buruzkoak (EHAA, 2000ko ekainaren 12koa), garatutako arau teknikoak bete beharko dira.

- Diruz lagundutako jarduerak eta proiektuak liburuxken, kartelen, buletinen eta blog elektroniko bidez nahiz oro har herritarrei zuzendutako beste edozein euskarriren bidez zabaltzean, bi hizkuntza ofizialak erabili beharko dira, euskara eta gaztelania, eta hizkera eta irudi ez-sexistak erabiltzen direla bermatu beharko da. Baldintza hori betetzen ez bada, dirulaguntza osoa edo zati bat itzuli beharko da. Betebehar horren jarraipena egingo da, erakunde onuradunak aurkeztutako dokumentazio guztia aztertuz.

- Sexu Delitugileen Erregistro Orokorrean deliturik ez dutela egiaztatzen duen ziurtagiria: urtarrilaren 15eko 1/1996 Legeak, Adingabearen Babes Juridikoarenak, Kode Zibila eta Prozedura Zibileko Legea hein batean aldatzen dituenak (haurrak eta nerabeak babesteko sistema aldatzen duen 26/2015 Legeak, uztailaren 28koak, aldatu zuen) eta Boluntariotzari buruzko 45/2015 Legeak, urriaren 14koak, eta Haurrak era nerabeak indarkeriaren aurka erabat babesteari

buruzko ekainaren 4ko 8/2021 Lege Organikoak haxe xedatzen dute: normalean adingabee-kin egotea eskatzen duten lanbide, ofizio eta ekintzetan sarbidea izateko baldintza izango da epai irmo baten bidez sexu-askatasunaren eta sexu-ukigabetasunaren aurkako delituengatik zigorrik jaso ez izana. Horretarako, dirulaguntzaren onuradun izan diren erakundeek jarduera horiek gauzatzeko kontratatutako langileei zera eskatuko diete: Sexu Delitugileen Erregistro Nagusiaren ezezko ziurtagiria, erregistro horrek berak emana. Espainiako nazionalitatea ez duten pertsonen kasuan, ziurtagiri horrez gain, beren nazionalitateari dagokien herrialdeko ziurtagiria aurkeztu beharko dute. Ezezko ziurtagiri horiek aurkezteko eskatu ahal izango die udalak erakunde onuradunei edozein unetan.

— Ez sortzea zuzeneko edo zeharkako diskriminazioa dakarren programa, proiektu edo jarduerarik.

— Vitoria-Gasteizko Udalaren dirulaguntzen ordenantza orokorrean jasotako gainerako betebeharrak.

16. Informazioa eta aholkularitza

Hezkuntza Zerbitzuak informazioa eta aholkularitza eskainiko die deialdi honen erakunde hartzaileei. Kontsultak udalaren Hezkuntza Zerbitzura zuzendu daitezke: 945 161509 / 945 161230 edo hezkuntza@vitoria-gasteiz.org.

17. Itzultzea

Vitoria-Gasteizko Udalaren dirulaguntzei buruzko ordenantza orokorraren 40. artikuluan adierazitako kasuetan, jasotako zenbatekoak itzuli beharko dira, eta berandutze-interesak eskatuko dira, dirulaguntza ordaintzen denetik itzuli behar dela erabakitzen den egunera arte, edo zordunak itzulketa sartzen duen egunera arte, hura baino lehenagokoa bada, dirulaguntzei buruzko araudi orokorrean eta administrazio-prozedura erkidean xedatutakoaren arabera.

Jasotako zenbatekoak eta berandutze-interesak itzuli behar badira, Kutxabank-eko udal-kontu honetan egingo dira: ES03 2095 0611 03 1090952416; ondoren, diru-sarreraren egiaztagiria aurkeztu behar da Hezkuntza Zerbitzuan.

Vitoria-Gasteizen, 2026ko uztailaren 24an

Kultura eta Hezkuntza Saileko zinegotzi ordezkaria
SONIA DÍAZ DE CORCUERA RUIZ DE OÑA